

黔記卷六目錄

輿圖志三

夏

周

西漢

蜀漢

劉宋

宋

殷

秦

東漢

晉

唐

元

黔記卷六

輿圖志三

黔記卷六

秦和郭子章相奎父著

漢州宋興祖汝杰父正

貴溪畢三才成叔父校

輿圖志三 三代秦漢蜀
晉唐宋元

增衣生曰禹貢曰華陽黑水惟梁州黔固梁之南境荆之

西裔也殷為鬼方周為靡莫之屬戰國楚項襄王遣將莊

蹻略地黔中黔之名始此嗣後漢夷雜居分合靡常或郡

或邑名以代殊自三代以及宋元本之正史代為攷究總

屬之輿圖志

夏

梁荆

禹貢梁州南境荆州西裔地

殷

鬼方

蟪衣生曰易曰高宗伐鬼方三年克之後漢史西羌傳云武丁征西戎鬼方三年乃克路史云陸終取鬼方氏注商宗伐鬼方或此詩曰內曩音避於中國覃及鬼方即

此方也

周

靡莫鬯微羌巢種類不一

戰國

黔中

楚將莊襄略地黔中即此

且秦

黔中郡

今貴州皆是

夜郎縣

今普安州播州石阡府皆是

且蘭縣

今播州地

西漢

牂柯郡

武帝元鼎六年開莽曰同亭有桂蒲關屬益州應劭曰
臨牂柯江也師古曰牂柯係船杙也華陽國志云楚項
襄王時遣莊蹻伐夜郎軍至且蘭採船於岬而步戰既

滅夜郎以且蘭有採船牂柯處乃改其名爲牂柯杙音

弋○續表生曰古牂柯郡城在今思南府西即漢末伏

時所保於此

戶二萬四千二百一十九口十五萬三千三百六十

故且蘭

沅水東南至益陽入江過郡二行二千五百三十里應

劭曰故且蘭侯邑也且音苴師古曰音子門反○今播

州地

鐔封

平夷

今普安州有平夷司

宛温

師古曰宛音於元反○今安南衛普安州烏撒衛盤江

是

毋歛

剛水東至潭中入潭莽曰有歛師古曰潭音大含反○

殯衣生日華陽國志曰尹珍字道真毋歛縣人也水經

注周水又東逕牂柯郡之無歛縣北而東而與無歛水

合矣水首受牂柯水東逕無歛縣為無歛水以此觀之

則毋歛亦黔之縣地矣

夜郎

豚水東至廣鬱都尉治莽曰同亭應劭曰故夜郎侯邑

○殯衣生日今播州地有夜郎廢縣水經曰東北入於

鬱注云鬱水即夜郎豚水也豚水東北流逕談犒縣東

逕牂柯郡且蘭縣謂之牂柯水廣數里縣臨江上故且

蘭侯國也一名頭蘭牂柯郡治也楚將莊蹻泝沅伐夜

郎徑牂柯繫船因名且蘭為牂柯矣漢武帝元鼎六年

開王莽更名同亭在柱浦關牂柯亦江中兩山名也左
思吳都賦云吐浪牂柯者也元鼎五年武帝伐南越癸
夜郎精兵下牂柯江同會番禺是也牂柯水又東南逕
毋歛縣西毋歛水出焉漢書談犒作談橐

東漢水主曰今

牂柯郡

武帝置雒陽西五千七百里

十六城戶三萬二千五百二十三口二十六萬七千二百
五十三

故且蘭

地道記曰有沈水○墳衣生曰沈水疑作沅水水經云
沅水出牂柯且蘭縣為旁溝水前漢書故且蘭沅水東
南至益陽入江是也

平夷

毋歛

夜郎出雄黃雌黃

案本傳有竹王三郎祠

宛温

卷之六

南中志曰縣北三百里有盤江廣數百步深千餘丈此江有毒氣○蟻衣生曰水經注榆水又逕賁古縣北東與盤江合盤水出津高縣東南盤町山東逕梁水郡北賁古縣南水廣百餘步深處十丈甚有瘴氣朱褒之反李恢追至盤江者也盤水北入榆水諸葛亮入南中戰於盤中是也

鐔封水

華陽國志曰有溫水○蟻衣生曰水經云溫水出牂牁好夜即縣注縣故夜即侯國也溫水自縣西北流逕談臺

與迷水合水西出益州郡之銅瀨矣

蜀漢

牂柯郡

興古郡

蟻衣生曰水經注劉禪建興三年分牂柯置興古治宛

溫縣晉書地道記治此

晉

牂柯郡

興古郡

今晉定安南衛晉安州皆其地

劉宋

牂柯太守漢武帝元鼎六年立

且蘭令漢舊縣云故且蘭晉太康地志無

故毋歛令漢舊縣

平蠻太守晉懷帝永嘉五年寧州刺史王遜分牂柯朱提

建寧立平夷郡後避桓溫諱改

平蠻令漢舊縣屬牂柯故名平夷

邕令漢舊縣屬牂柯

夜郎太守晉懷帝永嘉五年寧州刺史王遜分牂柯朱提

建寧立

夜郎令漢舊縣屬牂柯

唐

歐陽脩新唐書地理志

黔州黔中郡下都督府本黔安郡天寶元年更名土貢犀

角光明丹沙蠟戶四千二百七十口二萬四千二百四縣

六○彭水上武德元年析置都上石城三縣二年又析置

盈隆洪杜相永萬資四縣貞觀四年以相永萬資置費州

都上置夷州十年以思州之高富來屬十一年改高富隸
夷州有鹽○黔江中下本石城天寶元年更名○洪杜中
下○洋水中下本盈隆先天元年改盈川天寶元年更名
○信寧中下本信安武德二年更名隸義州貞觀十一年
州撥來屬○都濡中下貞觀二十年析盈隆置

樊州龍溪郡下本舞州長安四年以沅州之夜即渭溪二
縣置開元十三年以舞武聲相近更名鶴州二十年曰業
州大曆五年又更名土貢、麩、金犀角蠟戶千六百七十二
口七千二百八十四縣三○峩山中下本夜即天寶年更
名○渭溪中下天授二年析夜即置○梓薑中下本隸充
州天寶三載廢爲羈縻州以縣來屬

夷州義泉郡下本隋明陽郡地武德四年以思州之寧夷
縣置貞觀元年州廢四年復以黔州之都上縣開南蠻置
十一年徙治綏陽土貢犀角蠟戶千二百八十四口七
千一十三縣五綏陽中下有綏陽山○都上中下○義泉
中下本隸明陽郡武德二年以信安義泉綏陽三縣置義
州并置都牢洋川二縣五年曰智州貞觀四年省都牢五
年以廢邗州之樂安宜林芙蓉瑯川四縣隸之後又領廢

夷州之綏養十一年曰牢州徙治義泉十六年州廢省綏
養樂安宜林以綏陽義泉洋川來屬芙蓉瑯川隸播州○
洋川中下○寧夷中下武德四年折置夜郎神泉豐樂綏
養鷄翁伏遠明陽高富思義丹川宣慈慈岳十二縣六年
省鷄翁及州廢省夜郎神泉豐樂以寧夷伏遠明陽高富
思義丹川隸務州宣慈慈岳隸涪州綏養隸智州貞觀六
年復置鷄翁縣來屬十一年又以高富來屬未幾後省鷄
翁高富開元二十五年復以寧夷來屬

播州播川郡下本卽州貞觀九年以隋牂牁郡之牂牁縣
置十一年廢十三年復置更名土貢班竹戶四百九十口
二千一百六十八縣三遵義中下本恭水貞觀元年以牂
牁地置并置高山貢山柯盈邪施釋鷲五縣及卽州廢縣
亦省十三年復置州亦復置縣十四年更恭水曰羅蒙高
山曰舍月貢山曰湖江柯盈曰帶水邪施曰羅爲釋鷲曰
胡刀十六年更羅蒙曰遵義顯慶五年省舍月湖江羅爲
○芙蓉中下貞觀五年置隸邛州十一年并瑯川隸牢州
開元二十六年省瑯川胡刀入焉○帶水中下
思州寧夷郡下本務州武德四年以隋巴東郡之務川扶

陽置貞觀四年更名土貢蠟戶千五百九十九口萬二千二十一縣三務川中下武德元年置貞觀元年以廢夷州之寧夷伏遠思義明陽高富丹川及廢思州之丹陽城樂感化思王多田隸務州尋省思義明陽丹川二年省丹陽八年省感化十年以高富隸黔州十一年省伏遠○思王中下武德三年置○思即中下開元四年開生獠置

費州涪川郡下貞觀四年析思州之涪川扶陽開南蠻置土貢蠟戶四百二十九口二千六百九縣四涪川中下武德四年析務川置貞觀四年以黔州之相永萬資隸費州

十一年省○扶陽中下○多田中下武德四年置隸思州貞觀元年隸務州八年來屬○城樂中下武德四年招慰生獠置隸思州貞觀元年隸務州八年來屬

溱州溱溪郡下貞觀十六年開山洞置土貢文龜斑布丹沙戶八百七十九口五千四十五縣五榮懿中下貞觀十六年置并置扶歡樂來二縣咸寧元年省樂來○扶歡中下○夜郎中下貞觀十六年開山洞置珍州并置夜郎麗泉樂源三縣後爲夜郎郡元和二年州廢縣皆來屬○麗泉中下○樂源中下

右黔中採訪使治黔州

宋

馬端臨文獻通考輿地考

靖州秦漢黔中地唐爲夷播敘二州之境後周時節度使周行逢死敘州刺史鍾存志奔武陽而楊正岩以十洞稱徽誠二州宋熙寧九年十洞酋長楊通蘊送款內附楊通寶來貢朝廷以通寶爲誠州刺史其子璵復爲誠州刺史又詔於武岡之西作城在渠河之陽爲誠州廢爲渠陽軍尋廢爲寨隸沅州復置誠州後改爲靖州蓋自崇寧再歸

職方屬荆湖白路貢白絹領縣三治永平

思州歷代土地與黔中郡同隋屬清江郡唐武德元年以地當梓柯之衝要遂置務州貞觀八年改爲思州或爲寧夷郡屬江南道領縣四務川思印寧夷思王宋初爲羈縻州隸黔州大觀元年蕃部長田祐恭願爲王民始建州領務川印水安夷三縣宣和四年廢州及務川縣以務川城爲名印水安夷二縣並作堡隸黔州紹興二年復置思州就以田氏爲守

珍州古蠻夷之地唐貞觀七年開山洞置珍州或爲夜郎

郡屬江南道領縣四營德麗皇夜郎樂源憲宗時廢屬溱
州五代復爲蠻夷宋賜名珍州繼改爲西高州徽宗時大
駱解上下族帥駱世華駱文貴獻其地立珍州亦曰樂源
郡宣和三年承州廢以綏陽縣來隸屬四川夔州路領縣
二樂源綏陽

播州古蠻夷之域黔中郡地夜郎國之東南隅也漢屬牂
柯其後無聞唐以隋牂柯縣置播州或爲播川郡屬江南
道領縣三遵義帶水芙蓉宋大觀二年南平夷人楊友貴
等獻其地建爲州領播川琅川帶水三縣宣和三年廢爲

城隸南平軍

夷州徼外蠻夷之地漢屬牂柯郡歷代恃險不聞臣附隋
煬帝時始屬明陽郡唐武德四年以思州之寧夷縣置貞
觀元年州廢四年復以黔州之都上縣開南蠻置十一年
徙治綏陽與貴州同置或爲義泉郡屬江南道領縣五綏陽洋
川都上寧夷義泉宋爲羈縻州大觀三年酋長獻其地建
爲承州領縣五與唐同宣和三年廢州及都上等縣以綏
陽隸珍州

溱州古蠻之地唐貞觀十六年開山洞置溱州或爲溱溪

郡屬江南道領縣一營懿扶歡宋為羈縻仍領前二縣熙
寧七年招納置營懿等寨隸恭州後隸南平軍大觀二年
別置溱州及溱溪夜郎兩縣宣和三年廢州及縣以溱溪
為名隸南平軍

費州古蠻夷之國漢屬牂柯郡山川險阻為俚獠所居多
不賓附至後周始為費州因水為名唐貞觀四年析思州
之涪川扶陽南蠻置或為涪川郡屬江南道領縣四涪川
扶陽多田城樂宋無此州

元

明宋濂元史地理志

八番順元蠻夷官至元十六年潭州行省遣兩淮招討司
經歷劉繼昌招降西南諸番以龍方零為小龍番靜蠻軍
安撫使龍文求臥龍番南寧州安撫使龍延三太龍番應
天府安撫使程延隨程番武盛軍安撫使洪延暢洪番永
盛軍安撫使章昌盛方番河中府安撫使石延異石番太
平軍安撫使盧延陵盧番靜海軍安撫使羅阿咨羅甸國
通蠻軍安撫使並懷遠大將軍虎符仍以兵三千戍之○
是年宣慰使塔海以西南八番羅氏等國已歸附者具以

秦土洞寨凡千六百二十有六戶凡十萬一千一百六十
有八西南五番千一百八十六寨戶八萬九千四百西南
番三百一十五寨大龍番三百六十寨○二十八年從楊
勝請割八番洞蠻自四川行省隸湖廣行省三十年四川
行省官言思播州元諱四川近攻入湖廣今土人願仍其
舊有旨遣問還云田氏楊氏言昨赴闕廷取道湖廣甚便
况百姓相隣驛傳已立願隸平章答刺罕

羅番遇蠻軍安撫司今定番州有羅番長官司
程番武勝軍安撫司今定番州有程番長官司

金石番太平軍安撫司今定番州有金石番長官司

臥龍番南寧州安撫司今定番州有臥龍番長官司

小龍番靜蠻軍安撫司今定番州有小龍番長官司

大龍番應天府安撫司今定番州有大龍番長官司

木瓜攸佬蠻夷軍民長官今定番州有木瓜長官司

韋番蠻夷長官今定番州有韋番長官司

洪番永盛軍安撫司今定番州有洪番長官司

方番河中府安撫司今定番州有方番長官司

盧番靜海軍安撫司今定番州有盧番長官司

卷之三十三

盧番蠻夷軍民長官

定遠府 元定遠府土知府姓王今其子孫尚存名王乃十

桑州 ○ 章龍州 ○ 必化州 ○ 小羅州

下思同州 ○ 朝宗縣 ○ 上橋縣 ○ 新安縣 ○ 麻峽縣 ○ 甕

蓬縣 ○ 小羅縣 ○ 章龍縣 ○ 烏山縣 ○ 華山縣 ○ 都雲縣

○ 羅博縣

管番總管

小程番 以下各設蠻夷軍民長官 ○ 中嘈百納等處 今宣慰司

有中曹白 ○ 底窩紫江等處 ○ 甕眼納八等處 ○ 獨塔等

處 ○ 客當刻地等處 ○ 天臺等處 ○ 梯下 ○ 党兀等處 ○

勇都朱砂古坭等處 ○ 大小化等處 ○ 洛甲洛也等處 ○

低當低界等處 ○ 獨石寨 ○ 百眼佐等處 ○ 羅來州 ○ 那

歷州 ○ 重州 ○ 阿孟州 ○ 上龍州 ○ 峽江州 ○ 羅賴州 ○

桑州 ○ 白州 ○ 北島州 ○ 羅那州 ○ 龍里等寨 今有龍里衛 ○

六寨等處 ○ 陌攸佬等處 ○ 本當三寨等處 ○ 山齋等處

○ 美塘帶夾等處 ○ 都勻桑林獨立等處 今有都勻衛 ○ 六洞

柔遠等處 ○ 竹古弄等處 ○ 中都雲棺水等處 ○ 金竹府

古塘縣今定番州 ○ 都雲軍民府 今有都勻府 ○ 萬平等處 ○

有金筑安撫司

南寧○丹竹等處○陳蒙明有陳蒙司後革○李梢李殿等處○

陽安等處○八千蠻○恭焦溪等處○都鎮明有都鎮驛後革○

平溪等處○今有平溪衛○平月○李崖等處○陽並等處○

廬山等處今定番州有廬山長官司○卑西軍民府皇慶元年立以土官阿瑪知府事保

金符今宣慰司有卑西長官司○

順元等路軍民安撫司至元二十年四川行省討平九溪

十八洞以其酋長赴闕定其地之可以設官者與其人之

可以入官者大處為州小處為縣尋立總管府聽順元路

宣慰司節制

雍真卑西葛蠻等處○葛蠻雍真等處○曾竹等處大德

七年順元同知宣撫事阿重嘗為曾竹蠻夷長官以其叔

父宋隆濟結諸蠻為亂棄家朝京師陳其事宜深入烏撒

烏蒙至於水東招諭木樓苗佬生獲隆濟以獻○龍平寨

○骨龍等處○底寨等處今宣慰司有底寨長官司○茶山百納等處

今宣慰司有白納長官司○納霸紫江等處今紫江有苗人納捍○磨坡雷波等

處○漕泥等處○青山遠地等處今宣慰司有青山長官司○木窩普

冲普得等處○武當等處○峇龍坑宿徵等處今宣慰司有養龍長

官○骨龍龍里清江木樓雍眼等處今宣慰司有龍里○

余已卷之六

高橋青塘鴨水等處○落邦札佐等處今宣慰司有○平

遲安德等處○六廣等處今宣慰司有陸貴州等處○施

溪樣頭今思州有施○朶泥等處○水東今宣慰司有○

市北洞

思州軍民安撫司婺川縣

鎮遠府今有鎮○楠木洞○古州八萬洞今永從縣有○

偏橋中寨今鎮遠有偏橋長○野鷄平○德勝寨偏橋四

甲等處今有偏○思印江等處今思南府○石千等處今

石府及石今有赤溪○卑帶洞

大小田等處○黃道溪今思州府有○省溪壩場等處○

今銅仁縣有○金容金達等處今鎮遠縣本全容○臺蓬

若洞住溪等處○洪安等處○葛章葛商等處今石府

官○平頭者可通達等處今銅仁縣有平○溶江芝子平

等處○亮寨今有亮寨○沿河今有沿河○龍泉平思州

舊治龍泉及火其城即移治清江至元十七年勅徙安撫

司還舊治今有龍○祐溪○水特姜○楊溪公俄等處○

麻勇洞○恩勒洞○大萬山蘇葛辨等處今銅仁縣有大

○五寨銅人等處今有銅○銅人大小江等處國初有銅

仁長官司

後隸思南○德明洞○烏羅龍干等處今銅仁縣有○西山大

洞等處○禿羅○浦口○高丹○福州○永州○迺州○

鑾州○程州○三旺州○地州○忠州○天州○文州○

合鳳州○芝山州○安習州○茆蕪等團○荔枝○安化

上中下蠻○曹滴等洞今未從縣有○洛卜寨○麥着土

村○衙迪洞○會溪施容等處○感化州等處○契鋤洞

○臘惹洞○勞岩洞○驢遲洞○來化州○客團等處○

中古州樂墩洞○上里坪○洪州泊李等洞今未從縣有

○張家洞洪州長官司

沿邊溪洞宣慰使司至元二十八年播州楊賽因不花言

洞民近因籍戶懷疑竄匿乞降詔招集又言向所授安撫

職任隸順元宣慰司其所管地於四川行省為近乞改為

軍民宣撫司直隸四川行省從之以播州等處管軍萬戶

楊漢英為紹慶珍州南平等處沿邊宣慰使行播州軍民

宣撫使播州等處管軍萬戶仍虎符漢英即賽因不花也

仍領所請詔旨詔曰爰自前宋歸附十五餘年闕實戶數

乃有司當知之事諸郡皆然非獨爾播自今以往咸莫厭

居流移失所者招諭復業有司常加存恤毋致煩擾重困

吾民

播州軍民安撫司○黃平府今有黃平州及千戶所○平溪上塘羅羅

家等處○水車等處○石粉羅家永安等處○六洞柔遠

等處○錫樂平等處○白泥等處今高白泥長官司○南平綦江

等處今綦江縣屬重慶府○珍州思寧等處廢珍州在真州長官司○水煙

等處今仍名水煙○秦洞涪洞等處今有秦洞長官司○洞天觀等處

○葛浪洞等處○寨壩埡黎焦溪等處○小姑單張○倒

杆等處○烏江等處今仍名烏江○舊州草堂等處今為草塘安撫司

○恭溪香洞○水圓等處○平伐月石等處今有大平伐長官司

下泚○寨章○橫坡○平地寨○寨營○寨勇○上塘○

寨坦○吟奔○平莫○林種密秀○泂河祐溪等處

新添葛蠻安撫司大德元年授葛蠻安撫司今有新添衛○南渭州○落葛

谷鴛羅椿等處○昔不梁駱杯密約等處○乾溪吳地等

處○濃聳古平等處○甕城都柔等處○都鎮馬乃等處

○平普樂重壘等處○落同當等處○平族等處○獨祿

○三陂地蓬等處○小葛龍洛邦到駱豆虎等處○羅月

和○麥傲○大小田陂帶等處○都雲洞○洪安畫劑等

處○谷霞寨○刺客寨○吾狂寨○割利寨○必郎寨○

巴卷之六

谷底寨○都谷即寨○化佬寨○平伐等處大德元年平伐首領內附

乞隸於亦奚不薛從之○安刺速○思樓寨○落暮寨○梅末望懷

寨○甘長寨○桑州即寨○永縣寨○平里縣寨○鎖州

寨○雙隆○思母○歸仁○各丹○木當○雍即客都等

處○雍門化佬等處○栖求等處○仲家蠻○婁木等處○

樂賴蒙囊吉利等處○華山谷津等處○青塘均懷甘長

不列獨娘等處○光州○者者寨○安化思雲等洞○北

遐洞○茅難思風壯郡都蠻等處○必際縣○上黎平今黎

平○潘樂盈等處○誠州富盈等處○亦會洞○羅章特

團等處○福水州○兗州等處○欽村○硬頭三寨等處

○顏村○水曆吾洞等處○順東○六龍圖○推寨○橋

叩寨○黃頂寨○金竹等寨○格慢等寨○客蘆寨○地

省等寨○平魏○白崖○雍門客當樂賴蒙囊大化木瓜

等處○嘉州○分州○平珠○洛河洛腦等處○甯溪○

甕除○麥穰○孤頂得同等處○甕包○三改○控州○

南平○獨山州今都勻有獨山州土同知蒙姓○木洞○瓢洞○窩洞○

大青山骨記等處○百佐等處○九十九寨蠻○當橋山

齊朱谷列等處○虎列谷當等處○直滁杜珂等處○楊

坪楊安等處○棣甫都成等處○楊友閣○百也客等處
○阿洛傳等寨○蒙楚○公洞龍木○三寨苗花刺等處
○黑土石○洛賓洛咸○益輪冷邊蠻○割和寨○王都
谷浪寨○王大寨○只蛙寨○黃平下寨○林拱章秀拱
江等處○密秀丹張○林種拱幫○西羅剖盆○杉木箐
○各郎西○恭溪望成崖嶺等處○孤把○焦溪篤住等
處○草堂等處播州有草塘司
今屬甯安縣○上桑直○下桑直○米
坪○令其平尾等處○保靖州○特團等處

普定路本普里部歸附後改普定府至元二十七年初幹

羅思呂國瑞入賄丞相桑哥及晏末木等請勦羅甸宣慰

司至是言招到羅甸國札哇并龍家宋家攷搭猫人諸種

蠻夷四萬六千六百戶阿卜阿牙者來朝爲曲靖路宣慰

同知脫因及普安路官所阻會雲南行省言羅甸卽普里

也歸附後改普定府印信具存隸雲南省三十餘年賦役

如期今所勦羅甸宣慰安撫司隸湖南省幹羅思等擅以

兵脅降普定土官矣資男札哇希古等勒令同其入覲邀

功希賞乞罷之仍以其地隸雲南制可大德七年中書省

臣言鉅節宋隆濟等作亂普定知府容直率衆效順容直

沒其妻適姑亦能宣力戎行乞令襲其夫職仍改普定為
路隸曲靖宣慰司以適姑為本路總管虎符

烏撒烏蒙宣慰司在本部巴的甸烏撒者蠻名也其部在
中慶東北七百五十里舊名巴羌兀姑今日巴的甸自昔
烏雜蠻居之今所轄部六曰烏撒部阿頭部易溪部易娘
部烏蒙部悶畔部其東西又有芒布阿晟二部後烏蠻之
裔析怒始強大盡得其地因取遠祖烏撒為部名憲宗征
大理累招不降至元十年始附于三年立烏撒路十五年
為軍民總管府二十一年改軍民宣撫司二十四年升烏

撒烏蠻宣慰司

諸部蠻夷○秦加大散等洞

以下各設蠻夷官

○斜崖冒朱等洞

○隴堤紂皮等洞○石耶洞○散毛洞○彭家洞○黑土

石等處○市備洞○樂化兀都刺布白亨羅等處○洪望

冊德等族○大江九姓羅氏

今鎮遠府有小江大江

○水西

○鹿朝○阿末蠻部至元二十一年酋長阿泥入覲自言

阿末隣境烏蒙等蠻悉隸皇太子位願依例附屬詔從其

請以阿末蠻隸宣慰司○師壁洞安宣撫司○永順等處軍

民安撫司

今永順屬期廣

○阿者洞

以下各設蠻夷官

○謝里洞○上安

下壩○阿渠洞○下役洞○驢虛洞○錢滿等處○水洞

下曲等寨○必藏等處○酌宜等處○雍邦等寨○崖筍

等寨○員朱洞○麻峽柘歌等寨

免羅金井○沙溪等處

即沙溪地檢司

麻峽即全麻哈州也元為縣

○宙窄洞○新容米洞

黔記卷六

黔記卷七目錄

輿圖志四

大明



黔記卷七

泰和郭子章相奎父著

漢州宋興祖汝杰父正

貴溪畢三才成叔父校

輿圖志四 大明

續本生曰黔自國初以來西南旣平設衛所以武功領之率諸酋長共提邊圉其後經畧稍定漸砮布而郡縣之視前代固有間矣予撰輿圖志於我明獨詳備焉遵一統志參以舊新通志庶幾一覽而地方之故可知也至於

斟酌世時之宜共圖磐石之安監司守令當加之意焉若
貴州之名自宋已有考宣和元年田祐恭加貴州防禦使
嘉定庚午宋永高陞貴州經畧安撫通志謂貴州名始於
胡元誤也特以貴州名省自我 明始耳

貴州布政司

三代禹貢梁州南境而荊州西裔也殷為鬼方周為靡莫
之屬戰國時楚項襄王遣將莊蹻畧地黔中秦為黔中郡
漢為西南夷地武帝元鼎六年平南夷分屬牂柯犍為武
陵三郡蜀漢為牂柯與古二郡晉為牂柯犍為與古武陵
四郡屬荆益益三州南宋齊因之隋為巴東黔安清江明
陽四郡地唐武德二年歸附貞觀十六年開山峒益柘其
地置牂夷徭珍等州屬黔中劔南二道採訪使昭宗大順
二年為蜀王建所有五代唐天成二年附於唐晉天福五
年都勻酋長尹懷昌率其蜀十二部牂柯酋長張萬濬率
其屬思夷等州皆附於楚宋至道二年分隸荆湖與劔南
之東西三路元豐間改隸湖北夔州一路政和中復置思
播珍承秦五郡尋廢元為湖廣四川雲南廣西四行省地
至元十六年諸夷降附置八番羅甸等處軍民宣慰使司

及都元帥府於貴州十九年以降夷八番金筑百萬若悉
為郡縣置順元路金筑府貴州以統之二十年又以討平
九溪十八峒為郡縣并立總管府俱聽順元路宣慰司節
制初隸湖廣後改隸雲南及四川尋復隸湖廣而割嘉定
以西隸雲南焉二十九年合宣慰司都元帥府置八番順
元等處宣慰司都元帥府 本朝洪武初平定分隸雲南
湖廣四川二布政司設都司於貴州永樂十一年廢思南
思州二宣慰司建貴州等處承宣布政使司十八年置提
刑按察司萬曆二十八年減播以播之五司湖廣四衛益
貴州而以黎平改屬湖廣總府八州八縣十一宣慰司一
衛二十二所二

貴陽軍民府

禹貢梁州南境荒服之地秦為黔中郡漢為西南夷武帝

平頭蘭即且蘭今播州是也遂平南夷在播州為牂柯郡漢書云郡

通番禺城下光武時牂柯大姓自牂柯江入貢即此唐為牂州尋為首領南謝氏所

有五代時楚王馬殷遣八姓帥率邕管柳州兵討兩江溪

洞至此留軍戍之遂各分據號八番宋為羈縻南寧州治

臥龍至道元年南寧酋長龍漢瑋遣使率西南牂柯諸夷

貢方物時龍氏最強諸番皆為所統自號龍番元豐間龍番羅番石番先後皆貢方物元至元十九年詔降夷八番金筑百餘寨三萬四千餘戶悉為郡縣置順元路金筑府貴州以統之總隸於八番順元等處宣慰司都元帥府

皇明洪武四年酋長密定等舉上內附置安撫司一長官司十六隸四川貴州衛正統元年以木瓜麻鶴大華山長官司割屬金筑安撫司直隸貴州布政司程番等十三長官司改隸貴州宣慰司成化十年長官方勇等願開府治設文臣領之奏准設程番府於程番長官司安撫司及

長官司十六俱隸焉隆慶二年巡撫杜拯巡按王時舉題將程番府移治省城益以貴竹平伐二司改名貴陽府萬曆十四年巡撫舒應龍巡按毛在題設定番州於舊府十九年巡撫葉盛題巡按陳效題設新貴縣並隸府二十八年樞平章與巡按宋興祖題加軍民府共領州一

縣一安撫司一長官司十六

郡名

黔中名秦

牂柯名戰國

貴竹名本竹

貴陽名郡在貴

山之陽

南寧

名水八番名元

形勝富水遠前貴山權後沃野中落復嶺四塞舊據荆楚

之上游為滇南之門戶一統志

風俗俗尚朴實敦禮教

郡人多自中州遷來服食器用節序禮儀一如中土

士秀而

文民勤而務本

俱著志

多著忠廉之稱漸漬文明之化易兵

戍為城郭變刁斗為桑麻

程藩志

屬夷種類不一風俗亦異

新貴縣

附郭元為貴州尋改貴州等處軍民長官司本朝洪武初

改貴竹長官司萬曆十九年併龍里衛平伐長官司其置

為新貴縣以貴竹司為貴竹鄉以平伐司為平伐鄉編戶

共十里貴竹鄉六里曰南隅西隅北隅谷池歸化新哨平

伐鄉縣東一百二十里元為平伐等處蠻夷軍民長官司

隸新添葛蠻安撫司大德元年改隸亦奚不薛千戶所洪

武十五年改平伐長官司隸四川貴州衛二十八年改隸

龍里衛萬曆十九年改鄉屬縣四里曰上牌下牌江肘谷

廣

定番州

定番州在府南九十里舊為程番府萬曆十四年改州領

長官司十六里四

形勝風景頗巔中華四水交流八番羅列

程番舊志

程番長官司在附州元爲武勝軍安撫司洪武五年改置
小程長官司在州西北五里元爲小程番蠻軍民長官
司洪武五年改置

盧番長官司在州北五里元置盧番靖海軍安撫司拆其
西地置盧番夷軍民長官司洪武五年合置

上馬橋長官司在州西北二十里元爲上橋縣洪武五年
改置

方番長官司在州南八里元爲方番河中府安撫司洪武
五年改置

韋番長官司在州南五里元爲韋番蠻夷長官司洪武五
年改置

洪番長官司在州南十里元爲永盛軍安撫司洪武五年
改置

臥龍番長官司在州南十五里宋置南益州酋長龍葉瓊
稱長雄尋號龍番元豐二年入貢元改臥龍番南益州安
撫司洪武五年改置

小龍番長官司在州東南二十里元爲小龍番靜蠻軍安
撫司洪武五年改置

金石番長官司在州東二十五里宋爲石番元豐二年入貢元爲金石番太平軍安撫司洪武五年改置

大龍番長官司在州東南五十里元爲大龍番應天府安撫司洪武五年改置

羅番長官司在州南三十里宋爲羅番元豐二年入貢元爲羅番邊蠻軍安撫司洪武五年改置

廬山長官司在州南一百里元爲廬山等處蠻夷軍民安撫司洪武五年改置

木瓜長官司在州東一百里元初爲羅賴州元史作羅賴尋改木瓜等處蠻夷軍民長官司隸新添葛蠻安撫司洪武五年改置

麻鶴長官司在州南二百里元爲麻鶴等處蠻夷長官司洪武五年改置

大華長官司在州南二百二十里元爲大華等處蠻夷軍民長官司隸新添葛蠻安撫司洪武十年改置

木官里在州南一百四十里元置木當蠻夷長官司隸新添葛蠻安撫司洪武四年改隸廣西泗城州七年爲苗賊

所破改木官寨

克度里在州東南一百里元置雍即客都等處蠻夷軍民
長官司隸新添葛蠻安撫司洪武間廢司分為上下克度
二里

通州里在州東南一百五十五里唐宋為羈縻州地元志
無考國初置里領把馬等十八寨○以上十六長官司
及三里初俱隸貴州衛正統間木瓜麻窩大華三司改隸
金筑安撫司餘改隸貴州宣慰司成化間俱改隸府萬曆
十四年隸州

金筑安撫司在府西南一百二十里唐為牂牁國羈縻州

地宋為南益州地元至元十九年置金筑司領長官司十

七縣一隸順元路 本朝洪武四年酋長密定歸順罷金

筑府置金筑長官司於平笠寨十年陞安撫司俱隸四川

貴州衛十六年密定遷司於杏林峯末樂十一年密定

子得珠復遷馬嶺之陽即壩寨正統元年改隸貴州布政

司領木瓜麻窩大華二長官司成化十一年設府治并木

瓜麻窩大華俱隸府

古蹟有廢南寧州在定番州二十里宋置為羈縻州○廢

古筑縣在金筑安撫司南一百里元置隸金筑府俗名古

羊縣○仙人足蹟石在臥龍司境內○廢定遠府在府治南二百二十里元置領柔州等十州魏延宗等十一縣○十義友墓在城北故老云至元末貴陽有義士十人結義保障鄉里既卒列墓於此今十塚墓多湮沒情名不傳

貴州衛

貴州衛洪武四年建隸四川行都司十四年改隸貴州都司領左右中前後所五

貴州前衛

貴州前衛洪武二十八年建隸貴州都司領左右中前後

所五

貴州宣慰使司

禹貢秦漢與府同蜀漢建興二年諸葛武侯南征時牂柯帥濟火積糧通道以迎武侯表封為羅甸國王厥後相沿諸夷雜處其部落有七曰盧鹿蠻者即今羅羅也羅上俗

尚鬼號止茶者為鬼主

今猶謂羅鬼

居普里即今數出兵侵牂

柯地唐元和八年上表請盡歸牂柯地開成元年鬼主阿

風內屬會昌中封為羅甸王五代唐天成二年羅甸王普

露請率其九部落入貢晉天福五年附于楚宋仍為羅甸

國開寶間析置大萬谷落總管府嘉定間移府于今司治
紹興三年廣西邕州置司提舉市馬於羅甸元初爲羅施
鬼國尋改羅甸軍民安撫司至元十六年以李德輝奏更
羅甸爲順元軍民安撫司隸八番等處宣慰都元帥
府至元二十年添置亦奚不薛總管府于司治北二十四
年後添置順元路并貴州于司治內以統降附二十六年
隸湖廣省二十八年隸四川省二十九年改隸雲南省

皇明洪武初罷八番順元等處軍民宣慰司都元帥府并
宣撫安撫司順元路貴州置爲宣慰司六年陞貴州宣

慰使司俱隸四川布政司永樂十一年置貴州等處承宣
布政使司宣慰使司隸焉

遂爲定制

領長官司十正統四年又

以貴州衛所領長官司十三隸之成化十一年置程番府
以長官司十三隸府隆慶三年改設貴陽府復以貴竹司

隸府今宣慰安氏親領夷羅民四十八部

謂部長曰頭目

宣慰宋

氏親領夷漢民十二部

謂部長曰馬頭

同知安氏親領夷羅民一

部

謂部長曰頭目共領長官司九

形勝東阻五溪西距盤江

一統志

山經水緯內藩楚蜀外控

蠻荒爲西南巨鎮舊志南抵百粵北極巴峴千里山川險阻

阨塞

風俗悃樸少華

舊志本司轄籍人民多來自中州風聲氣習一如中華

文教丕振風

氣和平冬不祁寒夏無盛暑集場貿易以十二支所肖為場附郭免猴鼠馬四場土著諸夷俗尚各異○疾病不繁

披氍為禮詞志

青山長官司在城西北二十二里元置青山遠地等處蠻

夷軍民長官司明洪武五年改今司

龍里長官司在城東五十里元為龍里縣隸大龍番應天

府安撫司龍里州尋改龍里等處蠻夷軍民長官司分合

龍等處地亦置長官司洪武五年合置今司

劄佐長官司在城北八十里元為劄佐落邦等處蠻夷軍

民長官司洪武五年改置

底寨長官司在城北一百里元為底寨等處蠻夷長官司

洪武五年改置

養龍長官司在城北二百二十里元為養龍坑宿徵等處

蠻夷軍民長官司洪武五年改置

中曹蠻夷長官司在城南三十里元為白納縣阿從寨地

後改中曹白納長官司洪武五年改置

白納長官司在城南七十里元爲白納縣後改中曹白納長官司已復以茶山之地益之改茶山白納等處蠻夷軍民長官司洪武初歸附中曹已置司而白納之地失于奏報宣慰司以頭目周可敬領其地永樂四年始置今司遂以可敬爲長官

水東長官司在城北三里元爲水東蠻夷軍民長官司尋改水東長官司永樂元年以水東徙徙蠻夷軍民長官司省入置今司

乖西蠻夷長官司在城東一百五十里元爲乖西雅真葛蠻等處蠻夷軍民長官司永樂元年改置

古蹟有廢大萬谷落總管府在城北一百二十里宋開寶八年建加定間移建于郡城內○廢乖西軍民府在城北一百里地名大乖西皇慶元年建以土官阿馬知府事佩金符○廢洪邊州在城北八里至元間建隸八番羅甸宣慰司○廢龍章州在城北二十里元置俗訛爲隴上○廢大羅州在城南二十里元置俗訛名大羅街○廢甕蓬縣在城北四十里元置今爲甕蓬堡○廢小羅縣在治城南元置尋廢俗名爾溪街○廢白納縣在白納司西八里曰

躬城寨元置尋改中曹白納長官司○廢鴨水縣在城北一百六十里鴨池河元置已上州縣隸順元路○廢骨龍等處長官司在城北六十里元置○廢陸廣等處長官司在城北一百五十里元置○廢底窩紫江等處長官司在城東北一百五十里元置○廢魯竹等處長官司在城西八十里元置大德七年順元同知宣撫事阿重嘗為魯竹蠻夷長官以其叔父宋隆濟結諸蠻為亂棄家朝京師陳其事宜深入烏撒烏蒙至于水東招諭木樓苗徃生獲隆濟以獻已上土官俱隸大峇順元宣慰司○石田在城南二十五里相傳昔有隱士習黃白冲舉之事甚篤忽有道士從假牛畊石田種玉隱士與之方畊隱士妻來牽牛道士怒遂舍之至今石上耕治之跡猶存○水西故城在城西北二百五十里本朝初築壘門尚存○仙人籬在城北八十里高崖之上故老傳云昔有黃冠結屋其上今籬尚存歷歲不腐

威清衛

禹貢梁州西南境秦為黔中郡漢為牂牁郡唐宋為羅甸國地元為八番羅甸宣慰司地 明洪武初屬貴州宣慰

司二十一年置威清站隸貴州衛二十三年始置威清衛
指揮使司隸貴州都指揮使司領千戶所五

衛名 清遠 遼澄以河名

形勝郡山襟帶周道逶迤 遼澄西扼爐嶺北蟠 山險

峻而周維水清冽而激濺俱舊志

風俗人性謫詐嗜訟舊志衛戍軍士皆湖廣人詐而好訟務本逐末者相半

俱舊志

古蹟有銅鼓山在治西四十五里相傳諸葛征南於此獲
銅鼓因名○玩畧堂在城內指揮劉世爵祖廳相傳 建

文君經宿書此贈之

平壩衛

禹貢梁州西南境秦置黔中郡以其地屬之漢唐宋俱爲
羅甸國地元爲金筑府地 明洪武二十三年始置平壩

衛指揮使司隸貴州都司領千戶所五

衛名 大疇 平原 平城俱古名

形勝負崇岡臨沃壤地當衝要城壓平原山擁村墟水環

郊垌四野田疇彌望舊志

風俗服舍儉朴舊志衛俗淳質不尚侈靡服無錦綺室用茅茨頗有古風俗信巫鬼好

禳禱君子善居室小人勤耕稼

新志

安順軍民府

禹貢梁州外境唐爲羅甸國地宋爲普里部元置習安州屬普定府隸雲南省 明洪武十六年改安順州隸普定府十八年廢改屬普定衛隸四川都司尋改隸貴州都司正統三年設流改隸貴州布政司萬曆三十年巡按宋興祖奏改安順軍民府以普安鎮盛永寧三州屬焉土六衛一所悉屬節制共領州三寨十二長官司二

衛名 習安 普川

俱元名

形勝西南衝劇夷漢襟喉

舊志連貴州抵普安通金筑據水西

土厚水深川

濼峯列志輻輳逶迤扼塞強固邊鄙之都會滇黔之要區

也

風俗種類雜揉習尚異宜

舊志筮樽吸飲以爲賓主

部多羅鬼會飲不用益酌置樽于瓮以藤吸之披穗積薪以治婚喪

舊志男女以爲禮人死

積薪焚之負險立寨得獮之風漸革

舊志

宣谷長官司在府西南二十五里元爲寨 明洪武十九

年置長官司領二十九寨

西堡長官司在府西北九十里元爲寨 明洪武十九年

置長官司領四寨

古蹟有廢習安州在城西南隅○廢普定縣○趙府判德

政碑在治東十五里

普定衛

安順府同城

禹貢梁州外境秦置縣中郡以其地屬之漢為牂柯蠻地

晉為興古郡地唐為羅甸國地羅鬼狉徙可剛苗所居號

普里部宋因之元初內附置普定縣隸普安路尋改普定

府隸雲南行省領安順永寧鎮寧習安四州大德七年改

普定路隸曲靖宣慰司尋屬湖廣行署 明洪武十四年

復置普定府領州三長官司六屬四川布政司築城於今

城東二十里尋增置普定衛徙今城十八年廢府以州司

附於衛二十五年改置普定衛軍民指揮使司仍屬四川

正統三年劉所領三州六長官司隸貴州布政司而本衛

改屬貴州都司領千戶所五

衛名 羅甸 普里 俱漢名 普川 普利

風俗漢夷異俗 一鏡志 詩書禮樂不減中州 科舉題名記 物產富

庶 重修備學記

古蹟有觀星臺在學後倉右一小坡其形如臺相傳諸寫

于此觀星○諸葛營在城西十里相傳諸葛亮嘗駐兵於此營壘尚存○鎮遠侯顧成墓在城東四十里○通政趙公墓有諭祭碑文

晉里鎮靈州

禹貢梁州西南境漢唐宋為牂柯郡羅甸國地號普東部

元於羅黎寨置和私州尋改鎮靈州隸雲南普定路大德

間改屬曲靖宣慰司隸湖廣明洪武十六年仍于羅黎

寨置州屬普定府尋廢改屬四川普定衛正統三年仍置

州改屬貴州布政司領寨六長官司二嘉靖十二年改遷

州治於安莊衛城

州名普東宋名羅夷和私俱元名

形勝尚嶺崔嵬河溪環遶一統志金城獨鎮百蠻天塹足雄

諸部續志

風俗夷漢雜居風俗各異一統志茹毛飲血日父漸及務學

力耕願循漢禮續志

十二營長官司在州北三十里元為十二營寨明洪武

十九年置本司領二十九寨隸普定府尋隸普定衛正統

二年改今屬

康佐長官司在州東四十里元為康佐寨 明洪武十九

年置本司領四寨隸普定府尋隸普定衛正統二年改今

屬二營即共五

古蹟有普定故城在十二營司東南二十里洪武十四年

大軍克平普定府暫立此城以守禦之十五年征南將軍

傅友德遷于今衛治故城遺址尚存

安莊衛與鎮寧州同城

禹貢梁州西南境秦為黔中郡地漢為牂柯郡地晉為興

古郡地唐宋為羅甸國地元為永寧鎮寧二州地屬普定

路 明洪武十四年置納吉堡二十二年改置安莊衛指

揮使司隸貴州都司領千戶所五守禦所一

衛名 納吉元名

形勝危峰列峙急瀨縈迴 萬山為之屏翰兩山據其左

右

風俗人性淳朴地雜百夷善治環城百里皆苗寨穴其俗勤儉尚儒重

信舊志

永寧州

禹貢梁州西南境漢唐為黔中牂柯地烏蠻蠻人攸控所

居元置永寧州初爲達安夷名打罕隸雲南普定府大德七年改府爲普定路軍民總管府隸曲靖宣慰司州亦隸焉尋改屬湖廣省至正間爲廣西泗城州所併明洪武十四年普定府土酋同知安瓚不恭命潁川侯傅友德討之寨長葉桂新等率衆款附十六年仍置永寧州隸普定府十八年府廢改隸普定衛軍民指揮使司隸貴州都司正統二年隸貴州布政司領寨六長官司二

州名

達安

古永寧

形勝山川險阻林菁叢鬱阻以重山環以層崖俱志南距

泗城北接水西盤江之險猶襟帶然

風俗夷民雜居俗尚各異刻木示信猶存古風興行力田漸洗蠻陋

項營長官司元爲寨明洪武四年置本司隸普定府十

六年改今屬

募役長官司元爲寨明洪武四年置本司隸普定府十

六年改今屬

古蹟有諸葛營二一在紅崖山一在盤江山世傳武侯南征屯兵於此今耕民尚獲箭鏃之類○馬跑泉關索嶺畔

索羽之子從丞相南征開道路過此渴甚忽所乘馬跑地
泉條湧出

安南衛

禹貢梁州西南境秦爲黔中郡地漢爲牂柯郡地蜀漢及
晉俱爲興古郡地唐爲牂柯國地宋爲羅甸國地元爲普
安路隸雲南行省明洪武十七年置尾灑驛屬普安軍
民府二十年置尾灑遞運所二十一年置尾灑站及尾灑
堡二十三年置安南衛指揮使司隸貴州都司設衛治於
江西坡二十五年遷於尾灑堡即今治領千戶所五

衛名 尾灑

形勝盤江界其策烏鴉扼其南一統志玉枕地寒峒之奇朝

陽映遲日之麗續志

風俗土俗猶存桴鼓流寓浸有華風儉陋質朴勤於耕稼

一統志

古蹟有衛舊城在南三十里江西坡

普安州

禹貢梁州之域秦爲黔中地漢爲牂柯郡地蜀漢魏晉爲
興古郡地隋屬牂州唐武德中置西平州貞觀中改爲盤

州領附唐平夷盤水三縣隸戎州都督府蒙氏時為南詔
 東鄙東爨烏蠻居之號於矢部或作榆市部其後爨酋阿
 宋更號齊彌爾復為于矢部元延祐四年內附置于矢部
 萬戶府尋改為普山府至元間改置普安路領和龍八納
 習舊普定四部隸雲南省尋改為普安安撫司後復為普
 安路領和龍八納習舊三千戶所鎮盛永寧習安三州普
 定永山石梁羅山四縣隸曲靖等處宣慰司 明洪武十
 四年克照十六年初置普安軍民府以上首縣邦妻適恭
 為知府佐以流官適恭卒以子普旦為知府二十二年普
 旦與越州阿資本府馬乃等連兵叛命葉隘普安府二十
 二年天兵討平罷普安府置普安軍民指揮使司領其地
 移治今城隸雲南都司尋改隸貴州都司永樂元年置普
 安安撫司以土酋慈長為安撫隸普安衛十三年慈長謀
 為不軌改安撫司為普安州初設流隸貴州布政司領羅
 羅夷民十二部號十二營名其部長曰管長

州名與古蜀漢盤州唐于矢 齊彌晉普山元

形勝據險立城控夷蠻之襟喉為大邦之藩屏 雲貴川

廣之交俱外控六詔內杆三藩新分水嶺峙其西盤江

河界其東 雄鎮三藩利通四省

風俗士業詩書農勤稼穡尚文重信甲第雲仍夷性倔強

累世為婚摘髭暴警

古蹟有廢附唐縣在治南一百里即今蕃草壩○廢平夷

縣在治西一百二十里今為雲南平夷衛治○廢盤水縣

在治西一百里香羅山○普安舊治在東三十里即今撒

麻舖○廢石梁縣○廢羅山縣在治西一百里香羅山○

征西營基在治北五里許相傳 國朝大將軍傅友德征

南結營於此

普安衛

明洪武二十年平土酋普旦罷普安府置普安軍民指揮

使司移治今城隍雲南都司尋改隸貴州都司領內千戶

所七外守禦千戶所四

高平軍節衛

禹貢梁州西南境秦屬黔中郡漢屬牂柯郡唐烏蠻君之

為羅甸國地宋因之元為八番順元等處軍民宣慰司地

明洪武初歸附十五年總兵官穎川侯傅友德征南置烏

蒙衛於烏蒙府境內十六年班師至此以地寬廣四控皆

夷路當衝要又因畢節驛名乃奏繳烏蒙衛印信改建

畢節衛隸貴州都司領千戶所五

衛名畢川以響水河名

形勝東抵木稀關西帶七星河落折繁其南鎮山障其北

當華夏之要衝為滇岷之通道東連赤水西接烏撒一側

統控制夷羅屏蔽雲貴舊志

風俗境多烏羅狡悍趨利鬪狠健訟舊志中州徙居者冠婚

喪祭不混夷俗一統志人多勤儉文風武畧可觀

古蹟有梁王臺在城東北二里元祭王出鎮雲南所築○

武侯碑在城北一百二十里地名上壩相傳諸葛武侯南

征時所立歲久磨滅不可讀○七星營在城西九十里諸

葛武侯于此祭七星旗址尚存○關索鎮武侯南征還留

關索守其地

烏撒衛

禹貢梁州西南境舊名巴兀姑後名巴的甸自昔烏蠻

居之晉屬朱提郡唐烏蠻曰烏些者居此至阿蒙始得巴

甸其東西又有芒部今為鎮阿晟二部皆他酋所據宋烏

些之後曰析怒者始併其地號烏撒部元至元中始內附

置烏撒路招討司尋為軍民總管府 明洪武初改烏撒

軍民府十五年增置烏撒衛隸雲南都司永樂十二年改

屬貴州都司領千戶所五

衛名巴兀

巴明

漢名

沙越

越章

夷名

烏桓

宋名

形勝前臨可渡後倚烏門

一統志

尚阜盤旋

舊志

山崖險阨

一統志

襟帶二湖

一統志

平連海甸

舊志

羊腸小徑十倍蜀道

一統志

風俗人性强悍風氣剛勁地寒故稷稻難藝惟種菽莩稷

麥俗尚勤儉牧羊為產

舊志

古蹟有挿鎗崖在瓦甸站北三里諸葛亮征南從將關索

神鎗于上○龍孤石在城西五里青石數丈上有一孔龍

孤蹟三條

赤水翰

禹貢梁州西南境秦為蜀郡地漢為益州地晉為李特所

有宋周隋皆為夷地唐為蘭州地宋為疆州地元屬永寧

路 明洪武二十二年置赤水衛指揮使司隸貴州都司

領千戶所八

衛名赤江

以水名

雪象

以山名

祿聲

元名

形勝依雪山以為城控赤水以為池筆峯拱其前雪山障

其後四山環峙一水貫流俱舊志與夷獠雜居當滇貴孔道

風俗訟簡盜稀舊志官軍者中州人俗尚敦厚生計蕭條舊志青溪上

州禮俗一統志語言清楚楚席環境善美舊志青溪上

古蹟有廢層臺衛在治城東南一百里○華陽侯營在治

城北六十里

永寧衛

禹貢梁州南境秦為蜀郡地漢為益州地昔為寧特所有

宋及周隋俱為夷地唐置蘭州五代江安合江二縣地宋

乾德中劉光義平蜀因之尋置永寧路元中統元年改永

寧路總管府隸四川行省高宗以筠連州及騰川縣元統元年

改為永寧鎮邊都元帥軍民宣撫司 明洪武四年改為

永寧長官司尋復置永寧宣撫司仍隸四川其治在馬口

漁灣溪距城西八十里五年曹國公李文忠遷於今治為

永寧衛指揮使司隸貴州都司領千戶所五

衛名 蘭州唐定川

形勝環城皆山疊翠如屏馬口崖鎮其北漁灣溪橫其南

俱一西引三渝南控六詔舊志邦域險固關塞嚴密東連貴

播西接叙瀘南距芒部北抵合江水陸交通黔蜀分界

風俗習俗鄙陋注格野外不事商賈惟務農業俱志頗稱

富庶向來儒雅舊志宛即尋樂河通舟楫故俗人頗稱富庶性性有登科第者

古蹟有永靈舊城在衛治西八十里漁漕溪池即元永靈

路舊址○舊蘭州在衛治東一百八十里唐元和初置有

碑即唐朝壩冷剝落○米和城在衛治八十里有大田常

無水旱米穀成熟故名○關索石在衛治南二十里大道

傍故老云昔關索南征惡此石截道以戈椎擊之石破為

二一留道傍一飛墮道東因名落石刀痕宛然○仙婆墓

在烏降山下故老相傳昔有老嫗名滿道篤於道行善知

林谷人多就決焉後卒塋此

普市所

禹貢梁州南境漢屬益州唐元和元年置蘭州宋乾德三

年州廢元為永靈路地明洪武四年克服以其地屬四

川永靈宣撫司二十二年復以其地當真貴要衝置普市

守禦千戶所隸貴州都司

所名 蘭州唐

形勝四山圍繞峻險如壁一統志崇山僻地備竹茂林舊志

風俗不務農業專事貿易一統志習俗頗淳舊志

龍里衛

禹貢梁州南境秦為黔中郡漢為西南夷地唐宋俱為羅甸國地元初置龍里州隸八番羅甸宣慰司大德元年改置平伐等處蠻夷軍民長官司設平伐亦溪不薛千戶所尋改隸新添葛蠻安撫司明洪武四年開設貴州宣慰使司置龍里驛十九年增置龍里站屬貴州衛二十三年置龍里衛指揮使司隸貴州都司領平伐大平伐小平伐把平四長官司二十九年改龍里衛軍民指揮使司割所領小平伐把平二長官司隸新添衛遷衛治於城中永樂十一年始隸貴州都司萬曆十九年割平伐司隸新貴縣領千戶所五長官司

衛名雲從

元龍架山名

形勝襟山帶水

一說

據勝稱雄當滇楚往來之要衝控諸

夷出入之喉舌

衛志

風俗土瘠人稀俗尚儉朴

一統志

習俗淳古不事浮靡

衛志

大平伐長官司在衛南八十里元屬葛蠻安撫司

明洪

武十九年置屬貴州衛二十八年改本屬

古蹟有冗刁山古營在大平伐司西南八里元志稱土人

保即宋末時聚兵於此○廢龍里州在城西元置隸八番羅甸宣慰司○廢龍里縣在城東南五十里元置隸龍里州尋省入平伐司○廢隴聳古平伐長官司在城東十里元隸新添葛蠻安撫司

新添衛

禹貢梁州南境秦為黔中郡地漢唐無攷宋為麥新地嘉泰初土官宋永高克服其地以子勝守之乃改麥新為新添元置新添葛蠻安撫司大德元年授鐵券一道領長官司一百二十縣一隸湖廣行省尋改隸雲南行省 明洪武四年置新添長官司二十二年增置新添千戶所隸貴州衛明年陞為新添軍民指揮使司領長官司三新添丹平丹行又以龍里衛屬小平伐把平二長官司來附隸貴州都司領千戶所五長官司五

衛名

麥新
宋名葛蠻
元名

形勝四山排戟一水縈紆東界平越西接龍里俱一
統志右通

雲貴左達湖湘南抵廣西北隣蜀界舊志

風俗俗尚儉朴一統志附郭舊人遷自中州多讀書尚禮男

女有別舊志

新添長官司

附

小平伐長官司在西五十里元為雍直等處蠻夷長官司
大德初改平伐等處兼雍直蠻夷長官司屬順元路 明

洪武十五年改為小平伐長官司屬貴州衛二十八年改
屬龍里衛二十九年改今屬

把番寨長官司在南六十里元置屬順元路 明洪武十
五年改屬貴州衛二十八年改屬龍里衛二十九年改今

屬

丹平長官司在西南三百里元置丹平等處蠻夷長官司
屬廣西南丹州後廢 明洪武三十年改丹平長官司及

改今屬尋省永樂元年復置

冊行長官司在西南三百里元置冊行等處蠻夷長官司
屬南寧州尋廢 明洪武三十年改冊行長官司及改今

屬尋省永樂元年復置

古蹟有廢篋城都系長官司在西南二十里元置葛蠻安

撫司今廢○鳳凰石在西二十里文彩羽翼肖鳳形相傳
有異人顧曰此鳳凰化也其人文之徵乎○仙人跡在西
十里掛榜河畔印石上長一尺許深二寸五指宛然○銅

鼓岩在猴場內銅鼓二常有紅鱗蛇蟠其上將大雨時輒
聲聞數里曰此風風也其人又云是年○西人從西

無日清平衛屬麻哈州俱隸都勻府嘉靖十三年題請中

禹貢梁州南裔秦屬黔中郡歷代多為夷酋所據元為麻
峽縣地明洪武十四年置清平堡二十三年改清平衛
指揮使司隸貴州都司二十四年遷衛治於清平堡之北
領清平平定長官司二千戶所六正統間增屬安撫司一
弘治八年改清平長官司為清平縣建治于本衛中改平
定長官司屬麻哈州俱隸都勻府嘉靖十三年題請中
左所防守香爐山仍隸本衛

衛名仙山

山以名

形勝衆山環拱二水交流東抵丹章西連平越俱一統志秀峯

列戟戍壘屯雲

舊志

風俗語平訟寡力田務本

舊志

凱里交撫司在治東四十五里元屬四川播州明洪武

間楊氏兄弟爭殺至正統間割置改屬貴州隸本衛

古蹟有廢恭溪望城崖嶺等處長官司在治東南三十五
里原隸葛蠻安撫司今為望城堡○工部尚書孫文恭公

應蒼墓諭葬衛城南一里給事中陳尚象誌銘○總兵都督石邦憲墓諭葬衛城地三里尚書孫應蒼墓誌銘

興隆衛

禹貢梁州南境秦置黔中郡以其地屬之漢唐皆為牂柯蠻地宋為黃平府地號狼洞元因之明洪武八年以其地隸四川播州重安長官司二十二年穎國公傅友德征南以地當西南要害始置興隆衛隸貴州都指揮使司領千戶所五

衛名

狼洞宋龍洞

形勝東連鎮遠西距龍骨北通錦播南抵清平俱舊志立一軍之保障控三省之邊幅舊志風俗務本力農禮義漸興

都勻府

禹貢梁州境漢唐為黔中地五代晉天福五年都雲酋長尹懷昌率其十二部附於楚宋為羈縻合江州陳蒙州地元初因之尋分置都雲軍民府領都雲縣定雲府領合江陳蒙二州俱隸思明路尋合置都雲定雲等處安撫司隸雲南領州四長官司十七明洪武十六年仍置都雲安

撫司隸四川二十三年改安撫司爲都勻衛

必雲之爲物變化不一取

均勻爲義改今勻字

仍隸四川領長官司七永樂十七年割所領長

官司改屬貴州布政司衛屬貴州都司尋復以長官司還

屬衛弘治六年添設都勻府領州二縣一長官司八

郡名

都雲

晉名竹寨元麻峽名

元

形勝環僻而險衆山環繞一水縈流

一統志

東距播州西連

龍里北通平越南抵南丹千峯萬壑而府衛居其中焉

一統志

扼桂象之喉引川播之腋橫崗虎伏小澗龍迴四塞爲

依孤城自衛廣以西之辰齒黔以南之藩籬

風俗人重廉耻勇於戰鬪

都勻長官司附郭唐爲羈縻州都雲地宋置都雲縣元改

上都雲等處蠻夷軍民長官司隸都雲定雲等處安撫司

明洪武十六年置本司改隸都勻衛永樂十七年改隸布

政司尋隸衛弘治七年改屬府

邦水長官司在府西二十里元置中都雲板水等處蠻夷

軍民長官司隸都雲定雲等處安撫司

明洪武二十三

年改隸都勻衛水樂十七年改隸布政司尋隸衛弘治七

年改屬府

平浪長官司在府西五十里元爲都雲洞蠻夷軍民長官
司隸都雲定雲等處宣撫司 明洪武十六年置本司隸
都勻衛永樂十七年改隸布政司尋隸衛弘治七年改屬
府

平州六洞長官司在府西南一百五十里元爲都雲定雲
安撫司地尋置六洞柔遠等處蠻夷軍民長官司洪武二
十三年置本司隸都勻衛永樂十五年改隸布政司尋隸
衛弘治七年改屬府

麻哈州

麻哈州在府北六十里元爲麻峽縣新添葛蠻等處安撫
司尋廢改麻哈長官司隸平越衛 明弘治八年改麻哈
州隸本府領長官司二

形勝玉屏當其北天馬聳於南

樂平長官司在州西四十里元爲休徕寨 明爲樂平長
官司隸平越衛弘治八年改屬本州

平定長官司在州北一百里 明洪武二十三年置隸平
越衛二十三年改隸清平衛弘治八年改屬州

獨山州

獨山州在府南一百里元置獨山蠻夷軍民長官司隸新
添蒼蠻安撫司 明洪武二十三年改九名九姓獨山長
官司隸都勻衛永樂十七年隸布政司尋屬衛弘治八年
置獨山州隸本府移治於前元都鎮馬乃等處長官司故
址其州同則土官蒙姓領長官司二

形勝四際平曠孤峯屹立

新志

爛土長官司在州東一百一十里宋置合江陳蒙二州為

羈縻州元改隸思明路定雲府合置陳蒙蠻夷軍民長官

司隸番民總管府 明洪武二十三年改合江陳蒙爛土

長官司隸都勻衛永樂十七年改隸布政司弘治八年改

屬州

豐寧長官司在州南一百二十里元為都雲定雲安撫司

地 明洪武二十八年改豐寧長官司隸都勻衛永樂十

七年改隸布政司弘治八年改屬州

清平縣在府北一百三十里與清平衛同城 明洪武二

十二年置清平長官司隸平越衛二十三年改隸清平衛

弘治八年改設清平縣隸本府

都勻衛

郡勻衛與府同城本元都雲定雲安撫司隸雲南 明洪

武二十二年改建隸四川永樂間隸貴州都司領千戶所

五

古蹟有廢合江州在府治東南二百五十里宋置元廢○

廢陳蒙州在府治東南一百里宋置元廢○廢定雲府在

府東一百五十里○廢麻峽縣在麻哈州南○廢都雲縣

在都勻司四十里俱元置○廢都雲洞長官司在都勻司

東元置隸新添葛蠻安撫司弘治六年廢○廢都雲柔麻

獨力等處長官司在府治西二百里元置○廢都鎮麻乃

等處長官司在府治北七十里元置

平越軍民府

禹貢梁州南境秦爲黔中郡地漢唐爲蠻夷所據宋嘉泰

初土官宋永高克服麥新地內附號黎峨里等寨元置平

越長官司隸八番順元宣慰司 明洪武十四年始置平

越衛軍民指揮使司領楊義麻哈樂平清平平定五長官

司屬四川布政司尋改屬貴州都指揮使司二十年割清

平平定二長官司屬清平衛弘治七年改麻哈長官司爲

州并割樂平長官司俱隸都勻府領長官司一千戶所五

萬曆二十八年播州平以黃平安撫司改黃平州草塘

水二安撫司白泥餘慶重安容山四長官司改餘慶濯潭

甕安三縣而建平越軍民府於衛城以統之并割清平衛

凱里安撫司平越衛楊義長官司俱屬於府於是府領州

一縣三黃平千戶所一安撫司一長官司一衛領千戶所

五土

郡名黎峨各平月元

形勝邊方衝要之地苗蠻叢叢之墟一統志北距三百瀾東

枕七盤坡舊馬鬃嶺扼其喉襟羊場河設其險阻南臨

天馬北負群峯東起丹翠西湧清泉

風俗俗尚威武漸知禮義一統志

古蹟有廢三陂地逢等處長官司在城南三十里地蓬鋪

元置新添葛蠻安撫司今廢○漢諸葛屯營地名馬場山

遺鍋一口于山中半入土內人不能取○王辭因四圍險

峻上寬平有田可耕國初為賊所據蓋總兵征克之二

十七年播賊破之播平今屬平越府○隆平侯張信母墓

在城南○南寧伯毛氏墓在城北○尚書黃紱母墓在城

東

黃平州

黃平州古西南夷地漢屬牂柯郡唐屬播州樂源郡宋爲黃平府領上下三曲二長官司隸叙州元改隸播州宣慰司明洪武八年改府爲安撫司以地皆夷獠多叛添置黃平所以守禦之隸四川都司十五年改隸貴州都司嘉靖間以草塘司等官構兵播州等司糧馬逋欠移四川重慶府通判一員駐鎮三十八年播平裁重慶通判革安撫司改爲黃平州與所同城三十一年重親歷州以石砌其城距州里許建平越行府以便催征糧馬

形勝葛浪洞爲之敵馬鬃嶺爲之關越大山深谷斗壁峻

岩

元黃平府志

重岡疊嶂二水環流西連楚道南極牂柯

風俗力於耕稼

舊志

頗多爭訟

舊志

古蹟有宜娘壘在城北三里

餘慶縣

餘慶縣在府東百五十里本餘慶白泥二長官司地餘慶元末爲餘慶州隸播州宣撫司明洪武十七年改爲長官司白泥元爲白泥等處長官司隸播州宣撫司至正末改爲白泥州洪武十七年復改爲長官司萬曆間楊應龍

叛二十八年討平播州以餘慶白泥二長官司改爲餘慶縣訓隸貴州平越府三十一年予親歷縣築城甃以磚石

縣名 白泥

形勝上抵草塘下抵偏橋鎮遠帶其左黃平列其右土田

關饒士馬強健

全蜀上夷考

甕安縣

甕安縣在府北一百里本草塘甕水二安撫司重安長官

司地重安宋爲黃平府地元因之明洪武八年於此置

長官司草塘元爲舊州草塘等處長官司隸播州宣撫司

洪武十七年改爲草塘安撫司甕水無印亦稱安撫司萬

曆稱楊應龍叛二十八年討平播州以草塘甕水重安三

司改爲甕安縣訓隸貴州平越府三十年築石城

縣名 重安 甕水 草塘 乾坪

形勝西達甕水東達黃平其地環圍皆江土饒裕頗有華

風全蜀上夷考

涪潭縣

涪潭縣在府東二百餘里本播州苦竹灘地萬曆間楊應

龍叛二十八年討平播州以三里七牌改爲涪潭縣訓隸

貴州平越府三十一年子親歷縣以碑石砌其城

縣名 苦竹壩

形勝地連七牌苗寨面挹湄潭肩抵龍泉上達烏江下至

岑黃全蜀土夷考

鎮遠府

禹貢荆梁之境舊爲豎眼大田溪洞一統志秦屬黔中郡漢

屬武陵郡隋屬清江郡唐武德元年以其地當牂柯之衝

置婺州置州貞觀八年改思州思州名天寶中改寧夷郡

後陷於蕃宋大觀元年蕃部長田祐恭願爲王氏朝廷爲

建州領婺川幹思水安夷今鎮三縣宣和四年

廢仍屬黔中紹興二年復置思州以田氏爲守德祐元年

取江陵田氏降見通鑑置鎮遠沿邊溪洞招討使司鎮遠名

尋改爲軍民總管府以田氏爲總管治鎮遠中河山思州

始明興伐僞漢進師臨西南處總管詣軍門送欵洪武五

年改總管府爲鎮遠州隸湖廣永樂十一年廢思州思南

一宣慰司以故地爲鎮遠等府隸貴州正統三年州吏目

胡籌建言官多民擾乞將府州省一 詔省州存府今領

縣二長官司二

郡名

海溪

漢名

寧夷

唐名

大田

鎮安

元名

形勝溪河旋遶山巖森列

一統志

白崖東枕碧峯兩峙

舊志

崇岡複嶺城堡羅環長江大河舟楫通利辰沅以此爲上游雲貴以此爲門戶商賈輻輳物貨富饒亦徼外一都會也

府

風俗習俗質野服用儉約

一統志

風氣漸開人文丕振遊宦

者安之

舊志

鎮遠縣

附郭東抵秋溪沅州地界西至乾溪偏橋地界南抵苗妬

坪水地界北抵池龍受斗石屏地界本鎮遠金容金達蠻

夷長官司古思州地宋大觀元年田氏內附始置安夷縣

尋廢見馬氏輿地考德祐元年田氏降元改鎮安縣至正

二年復爲安夷縣後又改爲鎮遠溪洞金容金達等處蠻

夷軍民長官司隸思州軍民宣撫司 明初歸附洪武五

年改爲鎮遠金容金達蠻夷長官司隸鎮遠州正統三年

省州存府隸本府弘治十一年長官何倫以罪革職改縣

設流附郭編戶二里

形勝岡阜重複江河盤曲東據馬場坡西扼石崖門

風俗苗俗有事則用行頭媒講以其能言語者講斷是非
凡講事時皆用籌以記之每舉一籌則曰某事云云其人
不服則棄之又舉一籌則曰某事云云其人服則收之令
其賠償大樂苗易生釁多由媒講宜痛革之

施秉縣

縣在府西南六十里東抵江至粵鎮遠地界西抵塘珠偏
橋地界南抵景洞生苗地界北抵黃家冲鎮遠地界古思
州地宋大觀元年田氏內附元至元二年建前江等處軍
民長官司隸思州軍民宣撫司明初歸附洪武五年改
思秉蠻夷長官司隸思州宣慰使田梁起兵相攻官廢正
統九年改爲縣設流官隸本府編戶一里

形勝南屏苗穴北障民居北屋枕戈編氓坐劍

風俗思播流奮地狹民貧耕讀織紡多從朴素

邛水一十五洞蠻夷長官司在府東八十里古思州地宋

大觀元年田氏內附始置邛水縣尋廢德祐元年田氏降

元改安寧縣至元二十年復爲邛水縣明初歸附洪武

五年置團羅得民曉隘波帶邛水五長官司隸思州宣慰

司二十五年省團羅等四長官司入邛水永樂十一年革

宣慰司改隸府編戶二里

偏橋長官司在府西六十里古思州地宋大觀元年田氏
內附元至元二十年始建偏橋洞蠻夷軍民長官司隸思
州軍民宣撫司○明初歸附洪武五年改偏橋長官司隸
思南宣慰司鎮遠州正統三年改隸本府編戶一里
古蹟有廢思王縣在府東南八十里唐元和置○廢思邛
縣在府東九十里唐貞觀置○廢洛浦縣唐置○廢安定
縣廢永安縣俱元置○廢德珉蠻夷長官司在府南○廢
曉愛廬洞赤溪等處長官司在府東○廢卑帶洞大小田
等處長官司在府東七十里三司俱元置○古觀音石像
在府東觀音巖上○菴蓬洞石刻在菴蓬第一洞有巨石
立水中刻云在山形勢已仁城何必趨車占水湄爲汝礙
舟乎匠者少頃一刻即平夷旁刻云都梁唐中立作時大
德丁未四月也○元帥府故宅在中河山上○元帥府廢
城在中河山半里遺址見存○廢金容金建蠻夷長官司
在府東八十里元置

思州府

禹貢荆梁二州之裔春秋時屬楚秦屬黔中郡漢屬武陵

郡酉陽縣三國吳分置黔陽縣地隸焉隋為清江縣唐為

思州蠻夷郡丹川丹陽二縣地宋為思州安夷縣地元世

祖至元十二年思州田氏降置沿江安撫司隸思州軍民

宣撫司尋自龍泉坪徙宣撫司治於清江稱思州而改稱

故思州為思南兼湖廣行省 皇明吳元年田氏歸附洪

武五年分置思州思南二宣慰司隸湖廣布政司永樂十

一年宣慰使田琛與思南宣慰使田宗禹有隙弄兵坐廢

遂改思州宣慰司為思州府隸貴州布政司領長官司四

郡名 清江隋置夷 嘉治江元思陽郡

形勝重山環抱兩溪交濶志城廓再闢保障足恃

東連沅靖西抵沿渝扼繁紘之襟喉作湖楚之唇齒志

風俗民性剛悍外瘠內黠刻木為契土人各據溪谷又若

要約則刻木為契 鷄卜毛卦有病不用醫藥惟事 夷風巫變 自昔

洗足言語休備本朝 祭鬼預災 俱一 志

都坪我異溪蠻夷長官司附郭元為臺蓬若洞住溪等處

蠻夷長官司隸思州宣撫司 明洪武六年改置都坪蠻

夷長官司于都坪寨二十五年省入黃道溪長官司隸思

州宣慰司永樂十一年復置本司于灑溪改今屬編戶二

里

黃道溪長官司在治東北一百三十里唐爲丹陽縣宋因
之元爲黃道溪野鷄坪等處軍民長官司隸思州宣撫司
明洪武五年改置本司守茅坡寨二十五年以務程龍教
平岳都坪四長官司省入遷治于武陵坪隸思州宣慰司
永樂十一年改今屬編戶三里

施溪長官司在治北二百二十里唐爲丹州縣宋因之元
置施溪等處長官司隸都雲定雲宣撫司明洪武元年
改置本司于丹坪寨隸湖廣沅州衛六年調屬思州宣慰
司永樂十一年改今屬編戶一里

都素蠻夷長官司在治西九十里原係田宣慰舊地方
永樂十一年布政使蔣廷瓚奏設本司于馬口寨爲今屬
編戶一里

古蹟有廢都素府在治北七十里元初置○屬丹州縣在

施溪司唐置屬夷州○廢丹陽縣在黃道司唐置隸思州

○廢臺蓬若洞住溪等處蠻夷軍民長官司在都坪我其

溪司南元置○廢野鷄坪等處蠻夷軍民長官司在黃道

司治西元置○廢務程龍教平岳都坪四長官司俱在黃

道司西○廢平溪縣屬夷軍民長官司距城東五十里
元置隸都雲安撫司○硃砂坑四十八處在施溪司昔有
課後折秋糧一十三石○寶塔在治南十里高三丈許舊
志景云天堂寶塔即此

思南府

禹貢荆梁二州之裔春秋戰國時屬楚秦隸黔中郡漢爲
武陵郡地東漢分置黔陽郡三國爲蜀南中地隋屬清江
郡唐武德元年置婺川縣隸唐州後廢唐州以縣屬巴東
郡置務州治婺川縣貞觀四年改置思州天寶初設靈夷
郡宋初爲羈縻州隸黔州大觀元年峇都長田祐恭願爲
王氏始建思州治宣和中廢紹興初復置思州軍鎮安夷
印水思印婺川四縣元置新軍萬戶府尋改置思州軍民
安撫司後改宣撫司隸湖廣行省領鎮遠州婺川縣并楠
木洞長官司六十六徙治龍泉坪地有龍泉因置龍泉坪
長官司附郵後燬於火移置清江郡元末勅宣撫司還舊
治傳六世至正間其族屬鎮遠州知州田茂安始分據其
地以獻僞夏明王珍勳設思南迨都元帥府徙今治宣慰
田琛徙治都坪而思州分爲二矣我明洪武五年置思

南宣慰使司隸湖廣二十三年徙治水德江永樂十三年

宣慰田宗鼎以不法廢改思南府隸貴州布政司領長官

司四縣一正統四年又領廢烏羅府之朗溪司弘治六年

改甲江長官司為甲江縣仍隸本府共領縣二司四

郡名名漢牂牁名唐濠溪名黔南德江

形勝嶺嶠縣亘溪澗濛紆田私學記上接烏江下通楚蜀龍泉

噴漱王之音驚渚餘岳池之色三台擁翠萬聖摩空商旅

康莊舟車孔道志

風俗蠻獠雜居言語各異宋寺記風俗同黔中地在荒漢

民尚朴元志漢名尚朴種多同信巫屏醫擊鼓迎客同上

蠻有狎猿狖猪木獠猫獺數種疾病則信巫屏醫專事祭

鬼客至則擊鼓以迎山菁險惡則焚林布種俗謂之刀耕

大務本力穡郡志夷俗新被德化志唱歌耕種志

隋置隸清江郡尋改隸庸州復改隸巴東郡唐隸務州尋

改隸思州五代宋元因之 明改隸思南宣慰司永樂十

六年改隸府編戶五里表文風隸卷林

邑名土婺州唐名大縣

形勝江關固比金城豐渡險如天塹群峯森列一水縈流

志

風俗土民尚朴刀耕火種唱歌畊耨得獸祭鬼擊鼓迎客
採砂為業用泥封門邇來文風漸著科貢雲仍

出縣志

文舉甲江縣

宋元因之

明

清

同本

唐為思邛縣地宋廢元改思甲江長官司隸思州軍民宣
撫司明因之隸思南宣慰司永樂十一年改隸府弘治
八年長官張鶴齡有罪廢改本縣仍隸府編戶四里

邑名

思邛

唐名

形勝大聖登山聳其北筆架文峯接其西南水遶奇東

尚壘秀嶺

風俗風景漸開民多務本

府志

水德江長官司附郭隋為賓化縣唐因之五代歷宋省入
婺川縣元置水特江長官司隸思州軍民宣撫司尋改水
德江長官司國初隸思南宣慰司永樂十一年改隸府

編戶四里

覃韓偏刀水巡司在府西北二百八十里隸水德江長官

司

蠻夷長官司附郭隋唐宋皆為羈縻州地元為思州軍民

宣撫司地 明洪武十年始置本司隸思南宣慰司永樂
十一年改隸府編戶三里

沿河祐溪長官司在府北二百一十里唐武德四年招慰
生獠置城樂縣隸思州貞觀八年改屬費州五代以後省
入婺川元置本司隸思南宣慰司 明永樂十一年改隸

府編戶二里

朗溪蠻夷長官司在府東四十五里唐置朗溪縣屬叙州
潭陽郡宋省入婺川元置朗溪洞官領其地隸婺川縣

明洪武十年置本司隸思南宣慰司永樂十六年改隸烏
羅府正統四年廢烏羅改隸本府編戶二里

板橋巡檢司在府東一百二十里國初隸石阡府弘治間
四川酉陽宣撫司侵沿河司地當道議設藩籬爲限乃遷
板橋司治於思渠改隸本府

古蹟有思州故城去今思州百八十里即鎮遠府考之事
實云唐有天下田氏始祖名克昌者涉巴峽卜築於思州
又按宋度正亦云遊涪陵因黔中訪黃魯直舊遊處每聞
土友言田氏世濟忠義則此城疑近蜀中恐在今武隆彭
水之地或即沿河司所謂城子頭是也又云在婺川之境

○古牂柯郡城一統志云府治西即漢末時所保唐史云
 牂柯因武德中改牂州尋改柯州境內有石門高連二山
 今貴州宣慰司境內山名亦有曰石門者恐即此歟况思
 州之治遷徙不一方輿勝覽亦云思州郡非古城又唐書
 稱羅甸蠻夷牂柯蠻也五代史云辰州西千五百里為牂
 柯今思南去辰州不千里况唐以思州為內郡而以牂柯
 為羈縻則此城不在思南明矣或云石門即今岩門山也
 未詳是否○廢費州後周宣政初置隋開皇中於州治置

涪川縣唐武德間移治蒙籠山○廢濠州唐貞觀中置領
 榮懿扶歡二縣宋為羈縻大觀二年別置州并濠溪夜郎

二縣宣和三年廢○廢莊州隋分牂柯郡立南壽州唐改
 莊州隸黔中郡宋時廢○廢城樂縣元志云在府治西

百五十里唐武德中招慰生苻置屬思州始築城人歌舞
 之遂名貞觀中改屬費州縣西百五十里有涪陵水○廢

扶陽縣元志云在府北八十里隋於扶水之地置縣屬廢
 州唐屬費州宋廢○廢扶歡縣在府治西南二十里唐置

屬濠州縣東有扶歡山故名○廢多田縣在府治西北四
 十里唐武德中置屬思州貞觀中改屬費州宋廢北有浮

萬聖山麓
 茲地宋朝通判嚴管州事於觀撰墓誌銘○卷政李渭墓
 西山之原田氏媯姓先為京兆居於此世襲土商長有功
 改為縣○有宋少師思國公田祐恭墓在葵川縣歸義鄉
 長官司在甲江縣洽弘治間土官張鶴齡以不法奏革司
 葵川縣相傳羽征南夷經宿築此城以防衛○廢思甲江
 藏有銅法器一統志云多羅水在此山之下○關羽城在
 古多羅寺在葵川縣洽北五里多羅山古有寺遺址猶存
 洽江東岸元至中間興宣慰田氏爭職坐廢遺址尚存
 里有石如橋水流其下洞門高廠○廢沿河安撫司在司
 去五六尺餘指甲膚文宛然俱備○天生橋在府南五十
 龍宅其中○仙跡龔灘江邊磐石上足跡二長可六尺相
 北百十里池甚深濶水清徹大旱不涸久雨不溢相傳有
 九才里唐開元四年間置後廢○天井池古池也在洽西
 唐武德中置屬思州後廢○廢思印縣在府洽東南三百
 和間廢為堡隸黔州○廢思王縣在府洽南水路三百里
 安夷縣唐置靈夷縣隸夷州後宋政和中復置隸思州宣
 禹山○廢賓化縣隋置唐武德中復置後同州俱廢○廢

石阡府

禹貢荆梁之裔戰國屬楚秦爲黔中郡地漢爲夜郎縣牂
柯郡地晉分牂柯置夜郎郡宋南齊因之隋屬明陽郡唐
初爲思黔二州地武德二年以信安義泉綏陽三縣并置
都牢洋川二縣置義州在今龍泉坪北義陽山下遺址尚
存四年以思州之靈夷縣置夷州義泉郡即今府治領夜
郎神泉豐樂綏養鷄翁伏遠明陽高富思義丹川宣慈慈
岳十二縣五年更義州曰智州六年省鷄翁貞觀元年郡
廢省夜郎神泉豐樂靈夷伏遠以明陽高富思義丹川隸
務州宣慰使治州綏養隸智州自觀四年開山洞復
以黔州之都上縣置夷州義泉郡

即今黔彭
商司治是也

貴州之郡

年五年以廢那州之樂安宜林芙蓉那州四縣隸智州又

領廢夷州之綏養六年復置鷄翁隸夷州十一年徙郡治

於綏陽以高富來屬改智州曰牢州徙治義泉領綏陽都

上義泉洋川靈夷五縣戶千二百八十四口七千一十三

土貢犀角蠟五代復爲蠻夷宋太平興國三年夷州蠻入

貢置綏陽夜郎二縣隸珍州元置石阡等處軍民長官司

隸思州宣撫司 明改石阡長官司隸思南宣慰司永樂

十一年改石阡府領長官司四

郡名

夜郎

名漢

明陽

名隋

義泉

夷州

義州

智州

俱唐

形勝林鬱環抱水石清幽

志

南通鎮遠北距思南

一統

與

黔思犬牙相錯

方輿

四

面雖叢阻之中一壤有軒明之景

志府

風俗淳龐樸茂不雜古習服嗜婚喪悉恭華風

夷民其俗各異涵濡日又漸擬史州

志新

龍泉縣

龍泉縣在府西一百二十里隋為義泉縣屬明陽郡唐武

德二年改屬義州貞觀十一年改智州為平州徙治于此

宋為珍州地元置大保龍泉長官司屬思州宣撫 明洪

武初屬宣慰永樂十一年宣慰廢改龍泉坪長官司隸石

阡府編戶一里一圖萬曆間楊應龍叛寇龍泉土官安民

志死之二十八年計平播州改為龍泉縣仍屬石阡三十

年砌石城

縣名 義泉 平州 大保

形勝東達石阡西向眉潭南接遵義北軫安川

石阡長官司附郭唐為益夷縣屬思州武德四年改屬夷

州貞觀元年省入務州十一年復置屬夷州義泉郡宋省
入綏陽縣屬珍州元置石阡等處軍民長官司屬思州宣
撫司 明洪武五年楊正德以其地歸附改石阡長官司
隸思南宣慰司永樂十一年宣慰廢隸府編戶三里半

苗民長官司在府西南八十里唐爲洋川縣有水名洋川
今洋溪是也武德二年改屬義州貞觀四年屬夷州義泉
郡宋爲樂源縣屬珍州 明洪武十年置苗民司於故縣
治之北壁林屬思南宣慰司永樂十一年宣慰廢隸府編
戶半里

萇彰首苗長官司在府南一百里唐爲都上縣屬黔州貞
觀四年開南蠻以都上縣置夷州義泉郡縣隸焉宋廢縣
以地屬珍州元置萇彰首苗長官司屬思州宣撫司 明
因之仍屬思州宣慰司永樂十一年宣慰廢隸府編戶半
里

古蹟有廢義州在龍泉縣北義陽山下 廢明陽縣在龍

泉縣治西 廢綏陽縣在龍泉縣西北唐史云縣有綏陽

山 廢鷄翁縣在龍泉縣南鷄翁山下 廢洋川縣在苗

民司南洋溪山下 廢夜郎縣在萇彰司西六十里唐置

隸夷州宋改隸珍州元廢

銅仁府

禹貢荆梁之裔周屬楚漢為武陵郡地隋屬清江明陽二郡唐初為辰州地垂拱二年分辰州麻陽縣地置錦州盧陽郡始於此置萬安縣為屬天寶元年更名常豐五代時沒於蠻宋為思珍二州地元置銅人大小江等處蠻夷軍民長官司以司治有古銅人三故名隸都雲定雲等處安撫司明洪武初改銅仁長官司隸思州宣慰司永樂十一年置銅仁府隸貴州布政司領長官司四正統四年又以廢烏羅府之烏羅平頭二長官司來屬萬曆二十六年巡撫江東之巡按應朝卿因銅仁司土官不法題設銅仁縣隸府今領縣一長官司五

郡名

萬安

常豐

俱唐名定雲

銅江

俱元名

形勝九龍分秀三江匯流天馬雙貴峙其陽郡南岳巨

其陰東山盤嵒鰲磯縈撐

附志

山接巒叢江通雲夢

舊志

東聯

錦水西接梓柯北扼苗夷南通貴筑亦雄郡也

附志

風俗郡居辰常上游舟楫往來商賈互集漸比中州

本右文士多向學

僉事陸子叔記

郡屬各司夷漢雜居有土人犍

舊志

從苗入種類不同習俗各尚迨今漸被華風灑然變易

志

銅仁縣附郭建置同本府編戶五里

省溪長官司在府西一百里元置省溪驛場等處蠻夷長

官司隸都雲定雲等處安撫司後隸思州軍民宣撫司

明洪武初改省溪長官司隸思州宣慰司永樂十一年改

今屬編戶一里

提溪長官司在府西二百四十里元置提溪等處軍民長

官司隸都雲定雲等處安撫司後隸思州軍民宣撫司

明洪武初改提溪長官司隸思州宣慰司永樂十一年改

今屬編戶一里

大萬山長官司在府南五十里元置大萬山驛葛辦等軍

民長官司隸思州軍民宣撫司明洪武初改大萬山長

官司隸思州宣慰司永樂十一年改今屬編戶一里

烏羅長官司在府西二百里元置烏羅龍於等處長官司

隸思州軍民宣撫司明洪武初隸思南宣慰司永樂十

一年改隸烏羅府尋改今屬編戶一里

平頭者可長官司在府北二百二十里元置平頭者可通

達等處長官司隸思州軍民宣撫司明洪武初改平頭

着可長官司隸思州宣慰司永樂十一年隸烏羅府尋改今屬編戶一里
古蹟有仙人題柱在平頭司麓蓬萊○廢萬安縣在府治西銅仁大江左唐置隸錦州盧陽郡宋廢○廢常豐縣即萬安縣唐天寶初置尋改爲萬安○廢德明洞長官司在府治西北元置隸思南安撫司○廢烏羅府即烏羅長官司永樂十一年建○廢銅入大小兩江口等處蠻夷長官司元置隸都雲定雲等處安撫司○廢勒舍長官司元置尋廢正德末年土人于山洞中拾獲本司一顆篆文八畫與明篆文不同貯府庫○廢省溪壩場長官司宋置隸思南宣慰司洪武間改隸烏羅府○廢提溪等處蠻夷軍民長官司在張家寨去司治十里元置○明改隸烏羅司○廢太平溪金場永樂十三年置宣德八年革○廢龍泉葛澤長官司宋置今孟溪堡乃其故址○廢榕溪桅子坪長官司元置尋廢